

## 2 Petoro Petoroŋe ekap betŋan kulemguop.

O bukulpine,

<sup>1</sup> Nâmâ Simon Petoro. Yesu Kiristoŋe aposolo âi sâm nihimu mem hoŋ bawanŋim manmâ gan. Anitâŋe Yesu Kiristohât aposololipŋe nengât biwinenŋe mem hewewenŋe tuhumu Kiristohâlen biwinenŋaŋe kepeim manmain. Otmu yakât dopŋeâk yengât biwiyeŋe mem hewewenŋe tuhumu yâkâlen biwiyeŋaŋe kepeim manmai. Anitâ yet Yesu Kiristo dopyetŋe konohâk. Yakât otmâ Kiristoŋe lohimbî âlâhât nâŋgâmu yahatmu âlâhât nâŋgâmu gemu yawu ki otmap. Yâkŋe lohimbî hârok ârândânâk wawaenenekmap.

<sup>2</sup> Awoŋnenŋe Anitâ otmu Kutdânenŋe Yesu Kiristoŋe engatyetŋeâk otmâ nâŋgâyinŋim tihityeŋe otmawot. Yawu otmawot yakât yâk yetgâlen biwiyeŋaŋe kepeim denyetŋe lâum manmâ gai. Otmu yawuâk torokatmâ manŋetâ biwi nâŋgân nâŋgânyenŋe kepeiakmâ konohâk otmâ sânduk sâm yâhâwuapgât nâŋgâm Anitâ ulitgum gaman.

*Kiristohâlen biwinenŋaŋe kepeim kârihem mannom.*

<sup>3-4</sup> Anitâ yahat yahatŋe, Wâtgât Ambonŋe menenekmâ ikŋe laŋinŋan katnenekmu orowâk mannongât pat kuningiop. Yakât otmâ Yesu Kiristoŋe âwurem ge menenekmâ himbimân yâhâ manman âilonŋoân katnenekmu mannom. Yakât nâŋgâmunŋe âlâ kândâkdâ otmap. Otmu nenŋe yâkâlen biwinenŋaŋe kepeim tem lâuwanŋim

manmunje māmâje otningimu târârâhâk manmain. Otmu yawuâk torokatmâ manmâ yâhâmunje nenekmu ârândâj otmu Kiristone âwurem ge menenekbuap. Sâp yan Hiliwaho Hiliwaho Ambojañe âlâkuâk biwinenjan kionmu ekñâleangim otmâ hilipgunomgât dop ki tetewuap. Yawu otmâ Anitâje mem koko salek tuhunenekmu yetje orowâk Kiristo orop biwinenjañe kepeiakmâ konohâk otmu manman âilongoân manmâ yâhâmbisâin.

<sup>5</sup> Yakât nângâm Kiristohâlen biwiyenjañe tiñâk kepeim manmanyenje kelihakmu kârihem mannomai. Yawu manñetâ wuân me wuân teteyiñgiwuap yan girawu otñetâ Anitâje yekmu ârândâj otbuapgât nângâñetâ keterakiñgiwuap.

<sup>6</sup> Otmu nângâñetâ keterakiñgiwuap yakât kakñan otñetâ bâlemapgât biwiyenje galemahom mannomai. Yawu manñetâ lohimbi belângen manmainje senyenjan genomai me otmain yawuâk otñet sâm engatyenjan genomai. Yawu otñetâ Kiristohâlen biwiyenjañe tiñâk kepeim Anitâhât tem lâuwanjim uwawapñe bia manmâ ki lohotje otnomai.

<sup>7</sup> Yawu otmâ Kiristohât lohimbi orop biwiyenjañe kepeiakmâ konohâk otmu tânahom mannomai. Otmu lohimbi kerek buku otyiñjim manmâ yâhânomai.

<sup>8</sup> Den sâm aran yu tâñ tâñâk watmâ Kiristohât tem lâuwanjiñetâ manman âlepñahât bulâñe topñe topñe yengâlen tetem henjenjuwuap. Yawu otmu Kutdânenñe Yesu Kiristohât biwiñan girawu tatmap ya nângânomai.

<sup>9</sup> Yâhâ Kiristone tosayenjahât otmâ mumu An-

itâñe tosayeñe pilâyîngiop yakât ikñe lohimbi nombotñañe biwi nângân nângânyeñe mañguakmu gulip malap manmai. Yawu manmâ den sâm aran yu nângâñetâ gemu bet pilâm girawu manñetâ Anitâñe yekmu ârândân otbuap yakât ki nângâm manmai.

<sup>10</sup> Yâhâ yenâmâ Anitâñe dâiyekmu Wâtgât mâmâñahât Heakñe mem hewewenñe tuhuyekmu yâkâlen biwiyeñe katñetâ nine nanne baratne sâm meyekmâ manman kârikñahât pat kuyîngiop. Pat yakât bulâñe biatyîngimapgât yâkâlen biwiyeñe tiñâk kepeim yu ya otñetgât den ekyongoan yu watmâ manmâ yâhânomai. Yawu manmâ ki otmâ tâpikgum Kiristohât mâtâp pilâm mâtâp bâleñan arinomai.

<sup>11</sup> Otmu sâp patoen Anitâñe biwiyeñe ekmâ matñe kâpekyîngiwuap yan Kutdânenñe Yesu Kiristoñe âwurem ge sârereyekmu Anitâñe manman kârikñan katyekmu heronñe kakñan manmâ yâhâmbisâi.

*Petoroñe mum pilâyekbuapgât sâop.*

<sup>12</sup> Den ekyongoan yu emelâk aposololipñe lok nombotñe orop yen kâsikum yîngimunñe nângâñetâ bulâñe otmu biwiyeñan katmâ nângâm gai ya nañgan. Yawu gârâmâ den yu nângâm mem mete tuhum mannomaihât ekyongom yâhâwom.

<sup>13-14</sup> Aiop sâp ki kâlep otmuâk mum pilâyekbom yakât emelâk Kutdânenñe Yesu Kiristoñe eknohop. Yakât otmâ inânñan den ekyongoan yu nângâm biwiyeñan katmâ nângâmâk manñetgât biwiyeñan kionmâ yâhâwom. Yakât nângâmune ârândân otmap.

15 Otmu pilâyekbom yakât kakņan den kulemgum katyiņgian yu sâlikum nâņgâm mem mete tuhum mannomai.

*Anitâņe Yesu kun kundenņe mem âlâ tuhumu ekbi yakât Petoroņe sâop.*

16 Kutdânenņe Yesu Kiristoņe âwurem gewuap yan wâtņe pato tetemu ekmunņe âlâ kândâkdâ otbuap yakât den emelâk kâsikum yiņgiwin. Den kâsikum yiņgiwin yamâ lokgât nâņgân nâņgân ki watmâ den golâ kâsikum yiņgiwin. Nenņe yâk orop manmâ yâkņe olop miop ya ekmunņe âlâ kândâkdâ otmu Anitâ orop dopyetņe konohâk oap yawu nâņgâwin.

17-18 Nenņe yâk orowâk pumņe âlâen yâhâwin yan âwâņe Anitâņe yâkât nâņgâmu yahatmu kulem âlâ yuwu mem ekmunņe âlâ kândâkdâ olop. Anitâņe Kiristohât kun kundenņe mem âlâ tuhumu senņaņe emetsenņe pilâmu irik irik sâmap yawuya tetemu ekbin. Otmu sâņgumņaņeâmâ kaok bolaņ bolaņ otmu ekbin. Yawu otmu Anitâ yahat yahatņe, Laņinņahât Amboņaņe yuwu sâop. “Bulâņanâk yuâmâ nine nanne ombe bisine. Nâņe biwinaņe yâkâlâk nâņgâman.” Anitâņe himbimâmbâ den yawu sâmu nâņgâwin.

19 Otmu embâņan emet inânņan Anitâņe poropetelipņe den âlâlâ ekyongomu kulemguwi yakât bulâņe tetewuap nâņgâm engat yâhâp ki otmain. Otmu yeņe gurâ Anitâhât den tâņ tâņâk watnomaihât nâņgâm den âlâen hâum sâmune nâņgâņet. Kapi âlâen arine sâm otmâ omoņdâņe lambe saum ya laņinņan mâtâp ekmâ arimain. Yâhâ emet haņ sâwe sâm otmâp yanâmâ pitu

kâmne papato yanje tetemap. Yawu tetemu tatmâ yanak emet hanj sâmu emetsenje ga takamap. Yakât dopneâk Kiristone ki âwurem gemu mansain sâp yuâmâ Anitâhât den sâlikum nângâmunje hanj sâningimu Kiristohât mâtâp watmâ yâhânom. Yâhâ âwurem gewuap yanâmâ ikne lanjnane biwi nângân nângânnenjan pilâmu Anitâ yet Kiristo yetgât biwiyetjan âlâlâ tatmap ya topnambâek nângânom.

<sup>20-21</sup> Emelâk emet inânjan Anitâhât poropetelipnane yâkât den kulemgawi yamâ yene nângân nângân ki watmâ den ya kulemgawi. Wâtgât mâmânahât Heakne Anitâhât den biwiyenjan katmu ya kulemgawi. Yakât otmâ lohimbi âlâ me âlâne yene engatyeneâk otmâ den ya sâm kusânmâ bukulipyene ekyongonomaihât dop âlâ ki tap. Den yan yu biwiyenjan katmâ nângâm mannomai.

## 2

### *Lok perâkne yengât sâop.*

<sup>1</sup> Emelâk Anitâhât poropetelipnane yâkât den Isirae lohimbi ekyongominiwi. Sâp yan lok perâkne oain sâm oain sâm otmâ den perâkne kâityongominiwi. Yakât dopneâk lok perâkne yengâlen taka Kiristohât den kelangatmâ kâsikum yinjinomai. Yâhâ Kiristone yene toсахât otmâ kaweyenjan kinmu kujetâ muop yakât nângânetâ tâjât otmu betgumai. Yakât otmâ hiliwahonomaihât pat mansai.

<sup>2</sup> Otmu Kiristohât den kelangatmâ kâsikum yinjinjetâ nângânetâ bulâne otmu lohimbi dondâne

hionakmâ yâk yengâlen torokatnomai. Yâk yengâlen torokatnomai yan lohimbi belângen manmaine manmanyene ekmâ sâm ge katyekmâ Kiristohât den pat nângânetâ gewuap.

<sup>3</sup> Lok perâkne yengât iri sikumyene ekñâlem meyingine sâm den golâ ekyongonetâ nângânetâ bulâne otmu tewetsenne yinginomai. Yawu otyinginomai yakât matne umatne yingimu menomaihât Anitâne sâp kalop. Sâp kalop ya ekmu ârândâñ otmu matne yingimu mem hiliwahonomai.

<sup>4</sup> Bulâñanâk Anitâne matne umatne yingimu menomai yakât yuwu sâmune nângânet. Kândikum emelâk anelo nombotne Anitâhât den kum otmâ hilipguwi yakât matne nâpumân panyekmu ge omoñ kâlehen tatmâ gai. Yawu tatmâ yâhânetâ sâp pato tetewuap yan den sâm hâreyingim matne umatne yingimu mem hiliwahonomai.

<sup>5</sup> Otmu emelâk embânân lohimbine Anitâ betgum orotmeme bâlene otmâ manminiwi. Yawu otmâ mannetâ lok âlâ, kutne Noa sâm, lohimbine Anitâhât den lâum mannetâ yekmu ârândâñ olâk sâm yâkne girem den ekyongominiop. Otmu girem den ya ekyongomu nângânetâ helekne otmu orotmeme bâlene tâtâem otjetâ yanak Anitâne nângâmu tonjelâk giop. Tonjelâk gemu to niñ niñ sâm lohimbi bâlene ya asisihâk haranyongop. Yâhâ lohimbi nombolân yâhâp Noa orop wanğaen yâhâ tatbi yawuâk hâmeyeñe kinop.

<sup>6</sup> Otmu kapi yâhâp, kutyetne Sotom yet Gomora, ya ambolipne gurâ Anitâhât hâkân otmâ orotmeme bâlene otminiwi yakât matneâmâ kâlâpne ge sem gulip tuhuyehop. Ya yengât den pat

nângâmunje tetemap yan lohimbiñe orotmeme bâleñe otmai yakât Anitâñe matñe yingimu meno-  
mai nângâm engat yâhâp ki otmain.

7-8 Kâlâpñe Sotom otmu Gomora kapi ambolipñe sem gulip tuhuyehop yan Anitâñe lok âlâ, kutñe Lot sâñ, yâkât nângâwanjimu hâmeñe kinop yakât yuwu sâñune nângâñet. Lotñe Anitâhât tem lâuwanjim orotmeme âlepñeâk otminiop yakât ekmu ârândâñ olop. Yâhâ kapi ambolipñeâmâ Anitâhât den kum den bâleñe sahanjim orotmeme bâleñe hilâm ârândâñâk otñetâ Lotñe yekmu tepñe dondâ bâleminiop. Yawu manopgât otmâ Anitâñe nângâwanjimu hâmeñe kinop.

9-10 Yakât dopñeâk lohimbi Anitâhât tem lâuwanjim manmaiñe manman bâleñahât pañgonân kionmaiñetâ meyekmâ manman âlepñan katyekmu manmai. Yâhâ lohimbiñe Anitâhât den kum yeñe engatyeneâk watmâ orotmeme bâleñe ekñâlem otmai yakât matñe umatñe sâp patoen yingimu menomai. Yakât otmâ hiliwahonomaiñetâ pat kuyingimu mansai.

Lok perâkñe ya yengât wâtyeñe pato ki tatyngiap. Yawu gârâmâ yehâñetâ nângâñetâ yahatmu Anitâhât ajelepñe ikñe orop himbimân tatmai ya yengât nângâñetâ gemu sâñ bâleyingimai. Yawu otmâ ajelepñe yan matñe ningimai sâñ yakât ki gorâyngiap.

11 Yâhâ Anitâhât ajelepñe ya yengât wâtyeñe pato tatyngiap. Yawu tatyngiap yamâ yâkât senñan kinmai yan ajelepñe bukulpnyeñe nombotñe otmâ hilipgunetâ Anitâñe betyongomu tatmai ya yengât ki sâñ bâleyingimai.

12 Yâhâ lok perâkne ya yengât topyene yuwu sâmunne nângânet. Anitâne sonjo bau otmu nâi selon topne topne katmu ekmain yamâ umut biwiyene bia. Otmu nenne hat ari kum taka um nenomgât sâm kalop. Yâhâ lok perâkne ye yu yakât topne nângâm pâpgum ihilâk sâm bâlemai. Yakât otmâ yekmunne biwiyene bia mansai yawu otmap. Otmu sonjo bau kumain yakât dopneâk sâp patoen Anitâne lohimbi perâkne ya hilipyongowuap.

13 Yâkne lohimbi hâhiwin yinginetâ umatne kaknan manmâ gai. Yakât matne sâp patoen Anitâne yene gurâ yawuâk hâhiwin yingimu umatne kaknan mannomai. Otmu yâkne yuwu otjetâ dondâ bâlemap. Lohimbi senyenjan kinmâ yu ya ekjâlem otnehâlâk nângâm otmâ hilipgumai. Otmu yen menduhuakmâ sot nemai yan yengâlen torokatmâ to kârikne nem biwiyene hâlim otmu otjetâ bâlemu anjun yingimai.

14 Otmu imbi âlâ me âlâ yekmai yan ya yengât nângâm biwiyenane otmâ tâpikgum tosa memai. Otmu orotmeme bâlene ya ekjâlem otnehâlâk nângâmai. Otmu lohimbi nombotnane biwi yâhâp manmai ya yengât engatyenjan genetâ otmâ tâpikgumai. Bukulipyene yengât iri sikumyene miaknehâlâk nângâm mem lohotne tuhuyekmai. Yakât otmâ Anitâne matne umatne yingimu menomaihât pat kuyingimu mansai.

15 Yâkne Kiristohât mâtâp bulâne ya pilâm lok âlâ, kutne Bileam, Beoro nanne, yâkne olop yawuâk otmai. Yakât yuwu sâmunne nângânet. Bileamne hâmene membom nângâm Isirae lohimbi sait kakyenjan pilâwe sâm ariop.



16 Arimu Anitâhât anelo âlâne Bileamgât dongi laune mem purik pilâwangimu amboŋe den ekuop. Den ekumu nângân nângânne keterakbangimu sait kakyeŋan ki pilâop. Yawu.

17 To senne saŋ kititinj sâmap yapâ to ki osomain. Otmu elem kârikne mem emet mem maŋgumap yamâ gelâk ki gemap. Yakât dopneâk lohimbiŋe lok perâkne yengât denyenŋe nângânetâ den yaŋe buku ki meyiŋgimap. Yakât otmâ sâp patoen Anitâne lok perâkne ya pilâyekmu yaehen ge omon bâleŋaŋe sâhâyekmu tatnomai.

18 Yâkne yenahât nângânetâ yahatmu nângân nângân tâŋât lohimbi kâsikum yiŋgimai yakât yâkne nângânetâ yahatmap. Otmu lohimbi nombotŋaŋe pâku lohimbi yengâlebâ dâiakmâ Kiristohâlen biwiyeŋe katŋetâ sâp ki kâlep oap.

19 Lohimbi yawuya yengât engatyenŋan ge lok perâkŋaŋe yuwu sâm ekyongomai. “Kiristone girem den yapâek holaŋnenekmu engatnenneâk watmâ yu ya otmâ mannomgât dop tap.” Yawu sâm engatyenŋan geŋetâ orowâk otmâ tâpikgumai. Yawu otmâ Manman Bâleŋe Amboŋahât paŋgoŋân yâhâpne kionmâ yâkât amutgen manmai.

20 Yakât yuwu sâmune nângânet. Lohimbiŋe orotmeme bâleŋe bet pilâm Kutdânenne Yesu Kiristohâlen biwiyeŋaŋe kepeiŋetâ manman bâleŋahât paŋgoŋâmbâ holaŋyekmâ tihityeŋe otmap. Yawu gârâmâ orotmeme bâleŋe bet pilâwi ya miwirikum Manman Bâleŋe Amboŋahât paŋgoŋân âlâkuâk kionmâ yâkât amutgen mannomai yanâmâ hiliwahonomaihât pat mannomai. Yawu mannomai yanâmâ emelâk Kiristohâlen biwiyeŋaŋe ki

kepeiwi sâp yan tosayañahât matñe menomai sâop ya wangim Anitâñe matñe amokñan yingimu menomai.

<sup>21</sup> Lohimbi nombotñane girawu manñetâ Anitâñe yekmu ârândân otbuap yakât topñe pâpgum orotmeme bâleñe tâtâemâk otmâ belângen manmai. Lohimbi yawu yamâ Anitâñe matñe yingimu menomai. Yâhâ lohimbi nombotñe âlâñeâmâ Kiristohât den nâñgâñetâ bulâñe otmu yâkâlen biwiyenane kepeim manmai. Yawu otmai yakât kakñan yâkât nâñgâñetâ gemu orotmeme bâleñe miwirikum Kiristo betgunomai. Yawu otnomai yâhâmâ sâp patoen Anitâñe lohimbi belângen manmai matñe yingimu menomai ya wangim matñe amokñan yingimu menomai.

<sup>22</sup> Kiristo betgumai ya yengât nâñgâm den âlâen hâum sâmain yakât nâñgâmune bulâñe oap. Den yamâ yuwu tap. Sosoñe mohatmap yamâ benñe yâhâpñe nemap. Otmu bauñe bokosohân dakakmap. Dakakmu hâkñe bokosohâk pato otmap ya hârânñ sâm bererek sâm gemu âlâkuâk ari bokosohân dakakmap. Yakât dopñeâk lohimbi orotmeme bâleñe angoân otbi ya miwirikum otñetâ dondâ bâlemap.

### 3

#### *Bulâñanâk Kiristonje âwurem ge menenekbuap.*

<sup>1</sup> Bukulipne, yuwu sâmune nâñgâñet. Yeñe girawu manñetâ Anitâñe yekmu ârândân otbuap yakât topñe emelâk kâsikum yingimune nâñgâwi. Otmu yeñe den ya nâñgâm biwiyenân katmâ galemahom târârâhâk manñetgât pepa âlâ

kulemgum katyîngimune ekbi. Otmu yâhâpne yu kulemgum katyîngian.

<sup>2</sup> Emelâk Anitâne ikne poropetelipne den ekyongomu kulemguwi. Otmu Kutdânenne Yesu Kiristo tihitnenne otmapne nen ikne aposololipne den eknongomu kâsikum yîngimunne nanngai. Den ya kerehâk nângâm heŋgeŋgum biwiyenjan katmâ manmâ yâhânomaihât yuwu sâmune nângânet.

<sup>3</sup> Sâp pato tâlâhuwuap yan lohimbi nombotnane yene eŋgatyeneâk watmâ yu ya ekjâlem otmâ hilipgunomai. Yawu manmâ Kiristone âwurem ge menenekbuapgât sâop den yakât nângânetâ bulâne bia otmu yuwu sâm yengât senyenjan genomai.

<sup>4</sup> “Kiristone “Âwurem ge meyekbom,” sâop yamâ nenne ki eksain. Wosan taka tap ya sânetâ ari ekne. Anitâne hân himbim kândikyotgowâmbâek lohimbi nengât manmannenne dop konohâk tatmâ gamap. Otmu tâmbâlipnenne mum gara gara otbi yawuâk nen gurâ mumain.” Yawu sâm senyenjan genomai.

<sup>5</sup> Yawu sâm senyenjan genomai yan Anitâhât den nângânetâ gemu yene nângân nângân watmâ sânomai. Yakât yuwu sâmune nângânet. Kândikum emelâk topne katmâ Anitâne sâmu biaembâ hân himbim teteop. Otmu saru keterakmu hân teteop. Otmu elem kulewonboŋ tetem yapâek gelâk gemap. Gelâk gemu yanjak nak me senne âlâlâ topne topne tetem âi omoŋ omoŋ otmâ yahatmap.

<sup>6</sup> Otmu lohimbine Anitâ betgum otjetâ bâleop yakât matne yâkne sâmu tongelâk gemu to niŋ niŋ sâm lohimbi otmu senne âlâlâ wanjaen ki yâhâwi

ya aksisihâk haranyongop.

<sup>7</sup> Otmu sâp pato tetewuawân Anitâņe sâmu hân himbim ekmain yu kâlâpņe sem gulip tuhuwuapgât sâm kalop. Sâp yan Anitâņe lohimbi kerek nengât biwinenņe ekmâ sâm hâreningiwuap. Yawu otmâ lohimbiņe yâkâlen biwiyenņe ki kepeimai yamâ matņe yingimu mem hiliwahonomai.

<sup>8-9</sup> Otmu lohimbi nombotņe “Wongât Anitâņe Kiristo in yawu ki hângângumu âwurem gemap?” yawu sâmai yakât yuwu sâmune nâņgâm biwiyen katņet. Anitâņe sâpgât ki nâņgâmap. Yakât otmâ yambu 1000 yakât biwiņan yu ya tetemap yakât nâņgâmu hilâm konok biwiņan tetemap yawu otmap. Yamâ angoânâmâ lohimbiņe orotmeme bâleņe bet pilâm Kiristohâlen biwiyen katņetâ manman kârikņahât pat kuyingimu manņetgât nâņgâm mambotyingimap.

<sup>10</sup> Kutdânenņe âwurem gewuap yakât nâņgâņetâ keterakyiņgiâkgât den âlâen hâum sâmune nâņgâņet. Kapi ambolipņe yengât kasalipyenņe sâp girawuân taka itit kiom tuhuyiņginomai ya ki ekyongomai. Kapi ambolipņe ki nâņgâmâk manņetâ kasalipyenņe pârâk sânsânâk taka yongom kiom tuhuyiņgimai. Yakât dopņeâk Kiristoņe pârâk sânsânâk gewuap. Sâp yan kâlâp punduņ sâm himbimân emetsenņe pitu âlâlâ ya kerehâk munņe orowâk sem gulip tuhuwuap. Otmu hânân yu senņe âlâlâ topņe topņe yu gurâ yawuâk sem gulip tuhuwuap.

<sup>11</sup> Yakât nâņgâm yeņe manman bâleņambâ keterakmâ Anitâhât tem lâuwanņim târârâhâk mannomai.

12-13 Otmu Anitâņe sâmu kâlâp pato punduņ sâmbimbimân emetsenņe pitu otmu hânân senņe âlâlâ ya kerehâk sem gulip tuhuwuap. Yakât kakņan yâhâpņe sâmu hân himbim anņo tetewuap. Hân himbim anņo tetemu yan mem katyekmu koko salehâk manņetâ yekmu ârândân otbuap. Yakât pat emelâk kuyiņgimu tap. Yakât otmâ sâp pato tetemu Kiristoņe âwurem ge meyekbuap yakât nâņgâm biwi nâņgân nâņgânyeņe kilik kilik sâmu mambotbaņgim mannomai.

14 Yawu mambotbaņgim mannomai yanâmâ Anitâņe yekmâ “nine nanne baratne koko salek,” sâmbim kaok nâņgâyiņgiwuap. Yakât nâņgâm Kiristohâlen biwiyeņeņe tiņâk kepeim manmanyeņe kelihakmu kârihem mannomai.

15 Otmu Anitâņe Kiristo in yawu ki hâņgâņgumu âwurem gewuap. Otmu ki âwurem gewuap yan lohimbiņe yâkâlen biwiyeņeņe kepeineta Anitâņe tosayeņe pilâyiņgiwuapgât mâtâp ki hâreakmâ tâņ sâwuap. Yakât nâņgâm “Wongât Anitâņe in yawu ki hâņgâņgumu gemap?” yeņe yawu ki sânomai. Den yan yuņe Pauloņe den kulemgum katyiņgimu ekbi ya miap. Yakât yuwu sâmune nâņgâņet. Anitâhât biwiņan nâņgân nâņgân âlâlâ tatmap ya Wâtgât mâmâņahât Heakņe mem bukunenņe Paulo yâkât biwiņan katmu yâkņe kulemgum katyiņgimu ekbi.

16 Pauloņe ekap âlâlâ katyiņgiop yan den yuwuâk kulemgum katyiņgiop. Yawu gârâmâ den kulemgum katyiņgiop ya lohimbi nombotņe sâlikum nâņgâņetâ ki keterakyiņgimu nâņgân nâņgânyeņe hâlim milim otmap. Yakât otmâ den ya kelangtmâ bukulipyeņe kâsikum yiņgimai. Yawu gârâmâ emelâk Anitâhât poropeteliņe

otmu lok nombotņane yâkât den kulemguwi ya yâkņak yawuâk kelanġatmâ bukulipyene kâsikum yingimai. Yakât otmâ yenhâk otmâ tâpikgum hiliwahonomaihât pat mansai.

<sup>17</sup> Den yu emet inânņan ekyongoan. Lok nombotņane Anitâhât den kum yene enġatyeneâk watmai. Lok yawuyane yengâlen taka enġatyenjan geņetâ nânġân nânġânyene hâlim milim otmu manman bâlenjahât paņġoņân kionmaihât biwiyene galemahom mannomai.

<sup>18</sup> Otmu sâp yiwerene yuâmâ Kutdânenne Yesu Kiristohâlen biwiyenane kepeim manmai ya wangim yâkâlen biwiyenane tiņâk kepeim yâkât den tiņâk lâum mannomai. Yawu otnomai yanâmâ yâkņe tihityene otmu manman âlepņahât bulâne yengâlen teteap ya wangim bulâne topņe topņe teteyiņgiwuap. Yakât nânġâm Kiristo mepaem manmâ yâhâmbisâin. Ya bonņanâk.

Nâ bukuyene,  
Petoro

**Yesuât Den Pat Âlepŋe**  
**The New Testament in the Selepet Language of Papua**  
**New Guinea**  
**Nupela Testamen long tokples Selepet long Niugini**

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Apr 2025 from source files dated 31 Aug 2023

995083d2-705e-5a60-af47-1e36806ccbc